

हेली म्हारी कर सोलह सिणगार,
गुरु जी सूं मिलबा चालां ये ॥

गुरु शब्द को साबुन ले ले,
कचरा ने परो निवार,
राम नाम की टिकी लगा ले,
सत्संग सुरमो सार ॥
हेली मारी कर सोलह सिणगार,
गुरु जी सूं मिलबा चालां ये ॥

दया धर्म को पहर ले गागरो,
नेम को नाड़ो सार,
करड़ी गांठ जुगत से दीज्ये,
हंसे नही संसार ।
हेली मारी कर सोलह सिणगार,
गुरु जी सूं मिलबा चालां ये ॥

ओर पियो मारे दाय नही आवे,
अजर अमर पियो मारो,
उण पिया से लगी डोर मारी,
एक पलक नही न्यारो ।
हेली मारी कर सोलह सिणगार,
गुरु जी सूं मिलबा चालां ये ॥

नाथ गुलाब मिलिया गुरु पूरा,
दियो शब्द तत सारो,
भवानी नाथ गुरु जी के शरणे,
सहजा लियो किनारों ।
हेली मारी कर सोलह सिणगार,
गुरु जी सूं मिलबा चालां ये ॥

हेली म्हारी कर सोलह सिणगार,
गुरु जी सूं मिलबा चालां ये ॥

गायक भवानी सिंह शेखावत गोल जयपुर ।
प्रेषक चम्पालाल प्रजापति ।
मालासेरी डूंगरी 89479-15979

Source: <https://www.bharattemples.com/heli-mhari-kar-solah-singar/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>